



-Pamebhamε

"Nimbuu : 36 "Su : -Glog on -dhee -Kwe : 2010 "Su -bha 'sëedhe -mü "Gwεetaawo

'WON -TAONG -MA 'GÜ 'SËEDHE

Me -dewo -yö -së

'Me "dhü = në "yön -kë ö -dega -bha pë -bha, 'yö- "dhia -yö gun 'ma- me -kpea -nu 'gü. -A suu -mü kwa -de -wo bha- 'ka. 'Bha- -wön 'kun "gbu-, 'yö -a = bhlëë 'dhö -kë me "wee -nu 'wo to, -a nu wëëdhö. -A -wön 'gü, kö kwa -de -wo bha, -a -ya -sü waa- -wo pö -sü bha, -kwa -nu -wön 'kun "gbu-. -Kwa kwa -de nu -a -nu draan- -sü -dhe. -Kwa kwa 'ko -nu faan dö -a -nu draan- -sü -bha -dedewo.

Kwaa- =danwo pö "se 'gü -wön

ok



= Minisü -Dhuatii -bha = tuaabho 'ö- -kë Danwopö "se 'gü

"Su 'ö -kë -gbeko 'ka "këe "kwi -zë 'ö ö bha pë = Tuaabho bha = dhe 'ö dho- kë -dhe 'gü, 'pö- -dhe zue bha, -a -bha -dhekpoyi 29, 30,31 'ö -da 'seennë -nu bha, -yö kë- 'gü -me -nu -gba 'wëë- 'ka "ze -bha -dhekpoyi -blesü -bha, = Minisü 'ö "gblü -kaong "saople 'ka. -A 'pödhë "gblüglü -nu -kë -Dhuatii 'ka -yö kë -da danwopö "se = gban bha, wo -zë -a -nu -bha -yö kë -ziö mü. "piü kö 'ö ö dë -nu = tuaabho. -A kë 'ö- wo "dhü 'Wön bha -a "dhia -yö kë -ma -dedewo kwa dë -nu 'gü 'ö 'wo 'dhuëë- kpö woo- 'në bha- -bha kö -dho sië = tuaabho -nu kë 'pödhö "këe "tüng 'yaa -a -kaowön -yö dhi. kë = në wo ö -gö kö 'ö ziö -dhe = gban "pepe 'gü. 'Yaa yö -zë 'ka, me = gban "pepe -dho -yö ö -kë.

'Ka dho "se "dhoo dö-

'Kwa -dhe -ga = dee danwo pö -me -nu kwaa- "peen -ta -dhe -nu 'ö -kë -nu wo "Gwεetaa "se 'ka 'ö dho "dhü -ziaanwo 'ö -da 'ka -Gbiaa 'se 'gü, "se "dhoo dö -sü = në 'ö me 'gbe -dede -wa -da 'gü. Me 'bha -nu -ziaan 'wo wo -bha "dhoo dö 'wëë- ga 'ö- bha, -a 'gü 'yaa kë. = Ple -naa, 'me -nu 'ö 'wo -dhe dho bha, 'waa- 'wëë- = gban -wo 'kota kö -wa nu 'me 'ö 'wo -dhe dho- -nu -gö bha, -a -nu -dhe. 'Me -nu 'ö 'ka -dhe "dhoo dö sië bha = ya kë = dhe kaa- 'në -nu 'iin kaa- 'në -nu -bha 'në = wa 'to ka ziaang 'gü, yi = pleë -bha -wo -dho -tosea kë 'mü = dhe? -Wo -dho 'go- "se "bü 'ka 'me kö -wo yë kë- 'gü.

-Kwaa "Kodivua -se 'gü -wön

= Vote -wön



-Ya kë -kwe "soodhu 'wön 'ö -gban = vote -wön -bha kwa -gö "se ya- 'gü bha = ya kë 'wön 'bha 'ka -dedewo. "Këe = dhe 'ö -kë 'wön dö -ya -da -yö -yën 'pö bha, 'me 'ö "se 'dhö- -nu = kwëë- -wa -pö "su 'ö -kë -zaan "yi -sü 'ka "këe 'ö "kwi 'dhö ö bha pë -dhe okötöoblë 'ö nu sië ya kwa -dho = vote kë-. Kö -kwa kwa "yan 'to -a -gö.

'Wɔn 'ö -gban "Kpɔngtaadhe -wɔn -bha ok



'Wɔn "gbu- 'ö -kë = **Dhuusi** "se 'gü: **"Siü -bha -da 'ö- wo "bü 'ka**

= **Dhuusi** "se bha, "Kwi "se 'ö -ya -sü 'ka mü = mlɛɛ -dedewo, yö -mü.

= Ya 'go mü "se "gbɛɛ 'kpikikpiki -dede -mü. Kwaa- 'sëedhe 'ö -kë -wo kpö "gbıgbı -nu -ta "pu 'sëedhe 'ka, 'ö "kwi 'dhö ö bha pë -dhe ditɔnɛɛ bha, "Kwi -nu 'ö -nu "saa- 'gü kwa -bha 'dhö 'dhö = dee bha, -a -nu-bha "se -mü. "Se bha = nē 'ö "siü ya, -yö -go 'me 'yaa 'go 'mɛ -ee, 'yö -da "bü 'ka -a -nu -bha 'pö- 'kpii- 'ö 'wo -dhe Mosuku bha, -a -züzü -dhe -nu 'gü. "Siü = ya "kadhi "gblü -kaɔng "susiö ö ga -yaaga



2



(93 000) = nē -bhö = kö 'ö -da 'ka **"kadhi "gblü -yiisiö (4 000)** 'ö "siü 'yii kë- -bhö "kɛɛ 'ö mɛ 'yaa = mɔɔ- -bha kö -wo -tosea kë mü pë = fii yaa -wɔn 'gü, -a -nu -bha. Pë "bin -nu 'ö ka "yan 'dhö- -nu -bha ya, -a -blɛɛsü bha, 'pë 'ö "kwi 'dhö- -dhe 'bɔnngbɛ -a -pë -dhe bha. -Dhe bha = nē 'ö = **Dhuusi** -me -nu 'wo kë 'bɔnngbɛ -blɛɛsü -pë -kë -a -bha. -Yö "sego 'dhe 'ö 'wo- Teeranng -kë, -a -dhe -go "saa- = yën **"kidhung 1 200** = nē -a -nu = zinnng 'gü. -A "bin = ple -naa bha, "sɔɔdha -nu -bha kanng -ya -dhe -mü. -Dhe -nu bha peng = ya = loo- -nu "sɔɔ.

Tapë ga 'tɔngdhö **"miliɔng -kaɔng (10)** = nē 'ö -ya see- = kö. -A -kë "dhü -sü bha- -wɔn 'gü 'bluu- waa- -bhöpë -nu sɔnng = gbaan -da "dhiü.

'Sinö

Dha -bha mɛ zë -kɔ yaa 'ö- -kë 'Sinö

'Sinö "se bha -dhekpaɔyi = ple ya- "piü dha 'ö ban -yö kë mɛ "gblü do waa- mɛ **këng = ple (1 200)** -zë. -A -wɔn 'gü, "su 'ö ya- "zɛ -dhekpaɔyi -kaɔng do ö ga "sɔɔdhu (15) bha, -wo kë- -ya -deta "se bha- 'gü kö -wo ga -ya wo.

Pakisitanng

"Yi -bha pa -kɔ yaa 'ö- -kë 'ö pë = see

Pakistanng "se bha, Mɔɔzë -nu -bha "se 'bha

-mü 'ö -ya -sü 'ka Sinua -nu -bha "peen -ta. Waa- 'Engdö -mɛ -wo -dhe do 'gü. -A 'gü -mɛ -nu -wo -ziö mɛ "miliɔng "gblü këng do ö -kɔ "sɔɔdo waa- ö ga = gblɛɛn -ta (164 000 000). "Se bha

“Se bha yö =në "yi 'dhö pa 'yö pë see- -sü 'ka 'mebhudhe 'ö -ziö "miliöng -kaöng =ple -ta (20 000 000) -a -nu -bha -dedewo 'yö- -naa 'yaa 'dhö. 'Pödhe 'bha -nu -wo 'to -sü 'ka 'dhü 'ö "yi 'dhö b- -ta. Yee", -bhöpë 'bha 'ö- -nu -gö mü 'wo- 'ble- -kë 'ö yö =në 'wo 'bluu- -kë 'ka 'ö -da 'ka -kaa -dhe -nu -bha, -a 'dhe 'ö "yi 'dhö- =see -a -nu = gban -loo 'kota -sü -yö -ziö "kadhi "miliöng -yaaga -ta (3 000 000) = gblëen.

Me =slöw -pë -nu -wän

‘Wëë- -yö “kwi -a see” ‘gü -dedewo



"Kwi -bha see" suu -dee 'ö nu ya, = tröön -dede -ya 'gü. -Dhe "pepe 'kö "siü 'dhö dö -gü, -wa -dhe -kpö mü. Tapë -nu 'kö 'wo "kpungtaa -dhe -to "dhü -sü 'gü, see" suu ya =në 'ö- -yiisiö -naa 'ka. -Wa -dhe sitrusü sinengsisö "iin 'zü see" din -së -sü. -A din -yö "nëenë. -Waa pö woo- ta = Wa wo bo -mlü -ke kë -sü 'ka 'yö 'wo- ta -a -gen -mü =dhe kö "se =ya slëë 'gü 'nu -së 'ka. "Kadhi do bha, see" -gö këng =ple waa- -gö -yiisiö (204) =në 'ö dho- -bha. -Waa pö woo- ta, 'yö 'wo "se bruetö -yan -kaöng -yiisiö waa- anggle 'sakö =ple =kaan 'kwëë

'yö 'wo- -nu =loo "mlang 'në -nu 'gü 'yö see" -bong -nu bha, -waa -nu ta 'gü. "Su =ple, "su -yaaga -naa kö- -bong -nu =wa kë -tiaandhe bha 'yö 'wo- -nu ta. 'Me 'ö 'bha pö bhii- -bong -nu 'dhö, -a -gö do -yö 'wëë- këng -yaaga. =Ya kë "dhü kö- "kadhi do -yö 'wëë- "gblü -kaöng "saodo waa- 'wëë- "gblüdo waa- 'wëë- këng =ple (306 000).

-Wo see" bha -a 'gü -bho -yaaga (3) -kwe do 'gü. = Tröön 'ö see" bha- 'gü -Waa ta, -a -kwe "söodhu -naa bha, 'yö 'wo -ya -a bho -sü -bha. =Ya bha, -a "kadhi do bha, 'töngdhö -kaöng =ple =në 'ö go- 'gü -kwe -bha. -A "kidhung do -yö 'wëë- -kaöng -yiisiö waa- -kaöng "saodo -nu =zinng 'gü. -A "kadhi do -yö -yö "miliöng "söodhu -bha -kwe 'gü. -Wa -bho "dhü -kwe -kaöng -yaaga ö ga "söodhu (35) "piü. 'Wii -ya =kö -a bho -sü -bha -wo -möö -a -bha 'ö 'gblöo- -nu, köng (kpëë) -nu ta, -slëë (-been "iin "mëë-) -nu ta -a -gö -nu =zinng 'gü.

'Me "vv 'me 'ö- "piü 'ö ö -bha -dhe 'kpö, -yö -möö -bha 'ö 'me 'ö- -nu -bha "nimlvv 'dhö ya -a -nu dheë" kpö: **Dungbia =Maadu**, =klang- -göme 'kpii- -mü Niveesite 'Biya (225) 24 36 41 89 "iin 08 96 20 29/ 01 13 27 48. **Kruubali Seedu 45 30 78 57/40 20 50 37**

'Wän 'ö -gban -potaasü -wän -bha.

'Wän 'ö -gban kwi -wee bho -sü -bha

Kwi -wee bho -sü 'ö bha, kwaa- 'në -nu dhebë -nu 'waa -gü kë -sü -bha "gbu- =dëe wo -mü 'wän yaa -dede -mü "këe ma. 'Me -nu 'ö wo 'wän suu bha- dhebë -nu 'ö- -nu -kwe -yö sü

-kaɔng =ple ö ga do (21) -Kwaa 'gü ma-'ka =dhe kwi -ya -nu "piü wo kwi "yan -yö kë
 -bha 'ö yö 'ka -kaɔng -yaaga -wee bho -sü bha, -yö me =dhe "kwi -nu -bha 'dhö. "Kwi
 (30), -a -nu 'ka. Me 'bha -nu -gba -bhla -yua 'ka. 'Me -nu 'wo- -nu kwi "yan kë 'ö- wo "puu
 -wo -gun tii "kɛɛ do 'ö 'kwa- -kë "dhü, -a =fii yaa 'yaa 'go- bha, -a -gen -mü =dhe 'ö- -nu
 wo =dɛɛ -wa kë "puu 'ka -nu -gɔ "sɛ 'gü, 'yɛnng- 'yaa mü. -A
 -dedewo. 'pë 'ö -kë 'ö 'wo- -ta. =Ya 'go mü 'në -nu 'ö 'wo- -nu kwi 'to -kɔ =në 'ö bha.
 -kë "dhü bha, -nu kpɔ bha, faan 'yaa kë- -nu Kô -kwa -dhioo do kwaa- 'në
 -wa -pö wo- 'gü. -Wo "fɔkɔfɔkɔ 'ö -ya mü 'zü -nu -ta kô -wo wo bo 'wɔn suu
 -kë "dhü kô -dho -yö gɔɔn- 'ö 'waa kë =gblengblen. -Wo -to yaa bha- kë -sü 'ka.
 -nu kë. -A -gen -mü =dhe klöklö 'në -nu 'ka.
 gɔɔn- -nu -wa -pö dhebë 'Wɔn do 'bha 'ö kwaa- 'në 'waa
 "puu =në 'ö wo 'gü -së. 'gü ma yö -mü =dhe

'Wɔn 'ö -gban troo -nu -bha mɛ wəkɔ -nu 'gü

-Ka -ya 'gü -gbloo waa- "dhü do =fotoo ya- -nu -ga -së 'ka



-Gbloo 'ö mɛ =kwaa 'gü bha, metii -dede =në
 'ö- -pëkë. 'Bha- -ga -yö -kë =dhe 'pë 'ö 'wo-
 -pëkë biö "sɔng 'ka 'dhö. 'Bha- -ga 'zü -yö
 -bho gbaɔ -bha. -Gbloo bha ka- -ga "dhü "kɛɛ
 -wa ya- 'gü, mɛ -dhe 'bhaa 'to -nɛsü
 tongtongdhö.
 "Dhü 'ö do bha 'pö, "dhü -dede 'ö bho 'ö- kwɛɛ"
 -nu 'wo -ziö 'ko -ta yö -mü.

"Gwɛnng

«'Mɛ 'ö 'gben- kun -së 'yö 'gben- 'dhö ö wengga 'gü zë- -bha.»

-Pamebhame ya, 'bha- -wɔn 'kun -së yöö =de 'pö -yö -dho ö -së kë- ü -wɔn -bha dhia”

Pë -Wlangda -sü

'Kwa 'go -a 'bha ma- 'sëedhe ya- -gɔ "dhuü- =yën 'ö -gban "bü 'go -sü -bha.

Kwa- -pö "bü 'go -sü "iin 'zü -a "dhɔɔ do -sü bha 'wɔn yaa -mü. -Kwa kwa kwaa- -a -kë "dhü -sü -zü.

-Kwa kwa -zo "gɔn kwa suu 'gü -në -nu -wɔn 'ka. -Dhe "dhɔɔ do -sü bha =ya =yɔɔn mü kô -dheng -nu

-wa =klëen kwa -zü kô kwa -de -yɛɛ 'yaa 'dhö -a -gɔ, kô kwa =dua sië- -nu -gɔ -ziaanwo.

'Ka ka bo 'sëedhe ya- -wo pö -sü 'ka, 'wɔn 'bha =ya kë ka -gɔ kô 'ka pö yi -dhe, -ka 'sëedhe kë kô
 'ka bɔ. Yii- 'dresü -mü 08 BP 857 Abidjan 08 'ka. Tel. 08 18 08 88 / 45 01 93 36 ou 02 34 71 20

'Mɛ -nu 'ö 'wo 'sëedhe 'ö ya- -kë, wo -mü =Sai Zoziäsü, "Dhɔɔgbö Zafe, =Kesü Mɔyan Dhifongsü,
 Valangten Vidrinö waa- Edhena Pedhekwalösökaya 'ö- -nu =gban =ple 'wo go Dhusi 'ö -da "Anesü

‘ö go ‘Suisü , -a -nu ‘ka.



-Pamebhamε

"Nimlvv : 36 "Su : -Glg on -dhee -Kwe : 2010 "Su -bha 'sëedhe -mü "Gwεetaawo
